

Na osnovu člana 16. stav (4) Zakona o Vladi Zeničko-dobojskog kantona („Sl. novine Zeničko-dobojskog kantona", br.7/10 i 3/23), na prijedlog ministrice Ministarstva zdravstva, Vlada Zeničko-dobojskog kantona, na 36. sjednici, održanoj dana 19.07.2024.godine, d o n o s i

ZAKLJUČAK

I.

Usvaja se Informacija o trenutnoj epidemiološkoj situaciji zarazne bolesti Morbili na području Zeničko-dobojskog kantona Ministarstva zdravstva, broj: 11-33-5592-10/24 od 18.07.2024. godine, s prijedlogom protivepidemijskih mjera, koja čini sastavni dio ovog Zaključka.

II.

Obavezuje se Ministarstvo zdravstva da kontinuirano prati razvoj epidemiološke situacije od zarazne bolesti Morbili na području Zeničko-dobojskog kantona i da o tome redovno izvještava Vladu Zeničko-dobojskog kantona, te da na osnovu stručne procjene, prema potrebi, pristupi proglašenju epidemije zarazne bolesti Morbili na području Zeničko-dobojskog kantona.

III.

Podržavaju se protivepidemijske mjere predložene od strane Ministarstva zdravstva i JU Institut za zdravlje i sigurnost hrane Zenica, sadržane u Informaciji iz tačke I. ovog Zaključka, a naročito:

1. da se, na osnovu stručnog mišljenja JU Institut za zdravlje i sigurnost hrane Zenica savjetuje izbjegavanje masovnih okupljanja djece u zatvorenim prostorijama;
2. da se obavežu zdravstvene ustanove da pri prijemu djece starosne dobi od 0-14 godina vrše trijažu i kod djece sa sumnjom na kliničku sliku Morbila da postupe u skladu sa protokolom o izoliranju pacijenata od zaraznih bolesti;
3. da se obavežu domovi zdravlja da intenziviraju aktivnosti vakcinacijskih punktova i higijensko-epidemioloških službi sa ciljem povećanja stope obuhvata vakcinisanja ciljne populacije djece, bez obaveze najave i zakazivanja, svaki radni dan, te da usklade rad vakcinalnih punktova sa potrebama stanovništva;
4. da se obavežu sve zdravstvene ustanove, posebno JU Institut za zdravlje i sigurnost hrane Zenica, da provode kampanju na promovisanju obavezne imunizacije djece;
5. da se obavežu sve zdravstvene ustanove da prijave nadležnim inspekcijskim organima svaki slučaj neopravdanog odbijanja provedbe zakonske odredbe obavezne imunizacije, shodno članu 70. i članu 40. Zakona o zaštiti stanovništva od zaraznih bolesti ("Službene novine Federacije BiH", broj: 29/05);
6. da se, u cilju zaštite javnog zdravlja i povećanja stope vakcinisane djece, preporuča Kantonalnoj upravi za inspekcijske poslove da efikasno i prioritarno postupa prema

zaprmljenim prijavama o neopravdanom odbijanju imuinizacije djece iz zdravstvenih ustanova;

7. da se preporuči menadžmentu JU Kantonalna bolnica Zenica da u skladu sa potrebama poveća materijalno-tehničke, ljudske i smještajne kapacitete Odjela za infektivne bolesti i nejasna febrilna stanja;
8. da se obavežu svi poslodavci - privredno društvo ili drugo pravno lice, odnosno fizičko lice - obrtnik da u skladu sa Zakonom o zaštiti stanovništva od zaraznih bolesti, poduzmu opće mjere za sprečavanje i suzbijanje zaraznih bolesti;
9. da se obavežu sve zdravstvene ustanove, javne i privatne, da poštuju preporuke i stručna mišljenja koja im dostavi Ministarstvo zdravstva;
10. da se obavežu sve zdravstvene ustanove, javne i privatne, da poduzmu aktivnosti na sprječavanju širenja zarazne bolesti Morbila i sedmično dostavljaju Službi za epidemiologiju i higijenu Instituta za zdravlje i sigurnost hrane Zenica, izvještaje o poduzetim aktivnostima.

IV.

Obavezuje se JU Institut za zdravlje i sigurnost hrane Zenica da kontinuirano prati provođenje mjera iz tačke III. ovog Zaključka te da redovno obavještava Ministarstvo zdravstva o epidemiološkoj situaciji.

V.

Ovaj zaključak stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-33-13159/24

Datum, 19.07.2024. godine
Zenica

PREMIJER

Nezir Pivić

DOSTAVLJENO:

- 1 x Ministarstvo zdravstva,
- 1 x Svim zdravstvenim ustanovama na području Kantona, putem Ministarstva,
- 1 x Svim ministarstvima i drugim organima kantonalne uprave,
- 1 x Svim gradovima/općinama,
- 1 x Službena web stranica Zeničko-dobojskog kantona i Ministarstva zdravstva,
- 1 x „Službene novine Zeničko-dobojskog kantona“,
- 1 x a/a.

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA



Bosnia and Herzegovina
FEDERATION OF BOSNIA AND HERZEGOVINA
ZENICA-DOBOJ CANTON
MINISTRY OF HEALTH

INFORMACIJA
o trenutnoj epidemiološkoj situaciji zarazne boelsti Morbila
na području Zeničko-dobojskg kantona

Zenica, juli 2024. godine

I UVOD

Cilj ove Informacije je upoznati Vladu Zeničko-dobojskog kantona i javnost sa trenutnom epidemiološkom situacijom zarazne bolesti Morbila na području Zeničko-dobojskog kantona, sa poduzetim aktivnostima na praćenju epidemiološke situacije i poduzetim mjerama i aktivnostima, od zaprimanja Obavijesti o prijavi epidemije zarazne bolesti Morbili do dobijanja saglasnosti Federalnog ministarstva zdravstva za proglašenje epidemije Morbila na području Zeničko-dobojskog kantona broj: 03-33-3598/24 od 09.07.2024. godine, te daljim planiranim aktivnostima odnosno prijedlogom protivepidemijskih mjera koje je potrebno poduzeti za sprječavanje i suzbijanje zarazne bolesti Morbila. Ovu Informaciju sačinilo je Ministarstvo zdravstva u saradnji sa JU Institut za zdravlje i sigurnost hrane Zenica.

Morbilli (ospice, krzamak) su akutno virusno visoko kontagiozno oboljenje koje se širi kapljičnim putem, tj. kašljanjem, kihanjem, bliskim kontaktom ili dodirima sa zaraznim izlučevinama nosa i grla, koje karakteristiše pojava ospe, visoka temperatura i koriza, a isto može izazvati i ozbiljne komplikacije upale srednjeg uha, upale pluća, dijareje koja dovodi do dehidracije, sljepoče i encefalitisa, kao i smrtni ishodi. Od morbila najčešće oboljevaju nevakcinisana djeca u dobi od 0 do 14 godina, mada oboljevaju i starije osobe.

Pojavi zarazne bolesti morbili na području Zeničko-dobojskog kantona prethodila je pojava istih u Tuzlanskom kantonu i Kantonu Sarjevo krajem 2023. godine, gdje su proglašene epidemije od zarazne bolesti morbilla početkom 2024. godine. U prilog pojavi i širenju bolesti na području Zeničko-dobojskog kantona doprinio je nedovoljan i nizak obuhvat vakcinisane djece MRP vakcinom, zimski period koji je karakterističan za širenje kapljičnih infekcija prvenstveno zbog boravka u zatvorenim prostorijama, kao i velika tranzitna fluktuacija kliconoša iz već zahvaćenih kantona.

II TRENUTNA EPIDEMIOLOŠKA SITUACIJA ZARAZNE BOLESTI MORBILA NA PODRUČJU ZENIČKO-DOBOJSKOG KANTONA

Već tokom januara 2024. godine JU Institut za zdravlje i sigurnost hrane Zenica (u daljem tekstu: Institut) su prijavljeni prvi laboratorijski potvrđeni slučajevi bolesti na području Zeničko-dobojskog kantona iz Grada Zenica.

Slijedom tih događanja Institut je u saradnji sa Ministarstvom zdravstva hitno reagovao, izdao i prosljedio set mjera, smjernica i preopruga koje su prosljeđene svim zdravstvenim ustanovama na Kantonu i ostalim relevantnim institucijama o postupanju i djelovanju u cilju prevencije, zaustavljanja i održavanja broja zaraženih i oboljelih u epidemiološki prihvatljivom nivou, sa posebnim akcentom na pojačano provođenje vakcinacije kao najvažnije i najdjelotvornije mjere.

Pristizanjem novih prijavama laboratorijski i klinički potvrđenih slučajeva morbilla na Kantonu, Institut nastavlja aktivno i kontinuirano pratiti epidemiološku situaciju na području Zeničko-dobojskog kantona te u periodu do **18.07.2024.** godine Služba za epidemiologiju i higijenu je zaprimila i obradila **1209** prijava zarazne bolesti morbilla.

U ovom polugodišnjem dešavanju najveću incidencu oboljevanja na Mb/^{10.000} stanovnika bilježe općine/gradovi: Kakanj 121,4, Visoko 47,1, Zenica 45,2, Zavidovići 20,3.

Najveći broj oboljelih dolazi iz dobne grupe od 0 do 6 godina starosti, kao i onih od 7 do 14.

Od ukupnog broja od 1209 oboljelih 92,2 % je nevakcinisano.

U općinama gdje je stopa provakcinisane djece MRP vakcinom bila na zadovoljavajućem nivou bilježimo samo pojedinačne i incidentne pojave bolesti.

Pregled broja oboljelih od zarazne bolesti morbilli na području Kantona u periodu od 01.01.2024. do 12.07.2024. godine

1. Teritorijalna rasprostranjenost morbilla po općinama/gradovima ZDK od 01.01.2024. do 12.07.2024.

R.br.	Općina/grad	Broj oboljelih	%	Mb/ ^{10 000}
1	BREZA	4	0,3	3,1
2	KAKANJ	443	36,6	121,4
3	OLOVO	10	0,8	11,4
4	TEŠANJ	1	0,1	0,2
5	USORA	2	0,2	3,2
6	VAREŠ	7	0,6	9,5
7	VISOKO	181	15,0	47,1
8	ZAVIDOVIĆI	70	5,8	20,3
9	ZENICA	487	40,3	45,2
10	ŽEPČE	4	0,3	1,4
ZDK Ukupno		1209	100,0	34,3

2. Kretanje bolesti/Oboljeli po sedmicama/2024 – na osnovu zaprimljenih i obrađenih prijava z. bolesti

3. Kretanje bolesti/Oboljeli po mjesecima/2024 – na osnovu zaprimljenih i obrađenih prijava z. bolesti

Aktuelna situacija sa morbillima za period 17.06. 2024. do 18.07.2024.

1. Kretanje bolesti/Oboljeli po sedmicama.

SEDMICA	BROJ OBOLJELIH	%
25	135	28,4
26	131	27,5
27	132	27,7

28	78	16,4
ZDK Ukupno	476	100,0

2. Grafički prikaz kretanja bolesti kroz zadnje 4 sedmice

3. Spolna zastupljenost oboljelih

Spol	Broj oboljelih	%
MUŠKO	262	55,0
ŽENSKO	214	45,0
ZDK Ukupno	476	100,0

4. Dobna zastupljenost oboljelih

DOBNE GRUPE	BROJ OBOLJELIH	%	PROSJEĆNA DOB
0-6	312	65,5	3,1
7-14	112	23,5	9,3
15-24	14	2,9	18,0
25-49	32	6,7	36,0
50-64	6	1,3	52,0
ZDK Ukupno	476	100,0	7,8

5. Teritorijalna rasprostranjenosti po opinama/gradovima ZDK.

Grad/općina	Broj oboljelih	%	MB/10 000
KAKANJ	139	29,2	38,1
OLOVO	1	0,2	1,1
VISOKO	102	21,4	26,5
ZAVIDOVIĆI	7	1,5	2,0
ZENICA	227	47,7	21,1
ZDK Ukupno	476	100,0	13,5

6. Vakcinalni status oboljelih

7. Broj hospitalizovanih oboljelih

GRAD/OPĆINA	HOSPITALIZOVANI	NISU HOSPITALIZOVANI	NEPOZNATO	UKUPNO
KAKANJ	13	115	11	139
OLOVO		1		1
VISOKO	22	65	15	102
ZAVIDOVIĆI			7	7
ZENICA	12	59	156	227
ZDK Ukupno	47	240	189	476
%	9,9	50,4	39,7	100

8. Klinički ishod bolesti

Klinički ishod	UKUPNO
Živ	475
MRTAV	1
UKUPNO ZDK	476

Prateći i analizirajući naorijed prezentirane pokazatelje broja oboljelih Institut **ZAKLJUČUJE:**

Pad kolektivnog imuniteta zbog nedovoljnog broja vakcinisane djece protiv morbilla MRP vakcinom stvara uslove za daljnje širenje infekcije i eksponencijalnog povećanja broja oboljelih, čak i nakon poduzetih mjera preporučenih od Ministarstva zdravstva i Instituta u saradnji sa zdravstvenim ustanovama sa područja Zeničko-dobojskog kantona.

Naime, tokom perioda od 25. do 28. sedmice 2024. godine, nastavlja se trend zadržavanja istog broja prijava novooboljelih.

U istom periodu uočava se trend rasta zaražavanja od morbilla sa vrijednostima reproduktivnog broja: $R_0 = 20,3$ do $R_0 = 38,8$.

Uzimajući u obzir naprijed navedene parametre epidemiološka situacija od zarazne bolesti morbilla, od strane Instituta je procijenjena kao nepovoljna.

III PODUZETE AKTIVNOSTI

Obzirom da je Institut dostavio ovom ministarstvu Obavijest o prijavi epidemije zarazne bolesti Morbili, aktom broj: 02-1144/24 od 11.04.2024. godine, ministrica Ministarstva zdravstva odražala je 24.04.2024. godine sastanak sa predstavnicima Instituta, direktorima svih domova zdravlja sa područja Zeničko-dobojskog kantona i osobama koje su direktori ovlastili da prisustvuju sastanku, pomoćnikom direktora JU Kantonalna bolnica Zenica, predstavnicom Ministarstva za obrazovanje, nauku kulturu i sport Zeničko-dobojskog kantona, specijalistima

epidemiolozima i specijalistima za infektivne bolesti. Sastanak organizovan radi stručne analize epidemiološke situacije na području Kantona i zauzimanja stručnih stavova na sprječavanju širenja zaraznih bolesti perutis i morbili, omogućio je da se jasnije sagleda epidemiološka situacija na terenu, prodiskutuju mogući uzroci nepovoljne epidemiološke situacije i razmotre moguće mjere i aktivnosti koje treba poduzeti u cilju sprečavanja i suzbijanja zarazne bolesti morbili.

Nakon stručnr prezentacije Instituta, u vezi sa brojem oboljelih od zaraznih bolesti pertusis i morbili, podacima o stepenu vakcinisane djece od zaraznih bolesti, epidemiološkim rizicima vezanim za nizak stepen obavezne vakcinacije i analizom uzroka niskog stepena obavezne vakcinacije, usvojeni su Zaključci broj: 11-11-5592-2/24 od 06.05.2024. godine, shodno kojima je Ministarstvo zdravstva u saradnji sa Institutom i svim zdravstvenm ustanovama na području Kantona, poduzimalo adekvatne mjere na sprječavanju širenja navedenih zaraznih bolesti na području Kantona, a naročito sljedeće: intenzivirane su aktivnosti vakcinalnih centara i higijensko-epidemioloških službi, s ciljem povećanja stope obuhvata vakcinisanja ciljne populacije djece; domovi zdravlja u većim općinama/gradovima koji imaju velike vakcinalne punktove ili veći broj vakcinalnih punktova povećali su broj timova osposobljenih za rad u vakcinalnim centarima; zdravstvene ustanove su provodile kampanju na promovisanju obavezne imunizacije djece i ukazivanju na štetne posljedice nevakcinisanosti djece od zaraznih bolesti, domovi zdravlja su intenzivirali prijavljivanje nadležnim inspekcijskim organima svaki slučaj neopravdanog odbijanja provedbe zakonske odredbe obavezne imunizacije i dr.

Provodeći nadzor nad zdravstvenim ustanovama u vezi sa postupanjem po pomenutim zaključcima, a istovremeno prateći epidemiološku situaciju, JU Institut za zdravlje isigurnost hrane Zenica dostavilo je ovom ministarstvu Izvještaje o kretanju zaraznih bolesti pertusis i morbilla na području Zeničko-dobojskog kantona, akt broj: 02-1895/24 od 05.06.2024. godine i akt broj: 02-2298-1/24 od 05.07.2024. godine, u kojima je navedeno da u periodu 01.01.2024. godine do 05.07.2024. godine, ukupan broj oboljenih od morbila na području Zeničko-dobojskog kantona iznosi devetsto trinaest (913), što ukazuje na činjenicu da je došlo do značajnog povećanja broja oboljele djece. Pregled pokazatelja epidemiološke situacije na Zeničko-dobojskom kantonu pokazuje sljedeće:

- u period od 01.01.-04.06.2024. godine, potvrđen je ukupan broj od 379 oboljelih od morbila
- u period od 01.01.-05.07.2024. godine, potvrđen je ukupan broj od 913 oboljelih od morbila
- u period od 01.01.-04.06.2024. godine, potvrđen je ukupan broj od 379 oboljelih od morbila

Dana 10.07.2024. godine, na poziv ministrice zdravstva u službenim prostorijama Ministarstva zdravstva održan je sastanak u vezi sa nepovoljnom epidemiološkom situacijom na području Zeničko-dobojskog kantona, sa predstavnicima Instituta i kantonalnim sanitarnim inspektorima i inspektoricom zdravstva. Na sastanku je konstatovano da je do rasta morbiditeta epidemije morbila na kantonu došlo prvenstveno zbog niskog stepena obuhvata vakcinacije djece, što je posebno zabrinjavajuće obzirom da je vakcinacija jedina specifična protivepidemijska mjera koja se provodi kod djece starosne dobi od 0-14 godina.

Obzirom da svi pokazatelji na osnovu kojih se procjenjuje epidemiološka situacija s aspekta Morbila na području Zeničko-dobojskog kantona, pokazuju trend eksponencijalnog rasta morbiditeta epidemije, te da zdravstvene ustanove, ovo Ministarstvo i nadležne inspekcije, imaju zakonom ograničene ovlasti kada je u pitanju postupanje u slučaju neopravdanog odbijanja provedbe zakonom propisane obavezne imunizacije, Institut je shodno članu 15.stav (3) Pravilnika o načinu prijavljivanja zaraznih bolesti, zatražio stručno mišljenje Zavoda za javno zdravstvo Federacije BiH .

Dana 04.07.2024. godine Institut je proslijedio ovom ministarstvu stručno mišljenje Zavoda za javno zdravstvo FBiH o opravdanosti proglašenja epidemije morbila na području Zeničko-dobojskog kantona, akt broj: S-02-02-1-884-2/24 od 28.06.2024. godine.

Shodno članu 6. stav 2. Zakona o zaštiti stanovništva od zaraznih bolesti ("Službene novine Federacije BiH" broj: 29/05) Ministarstvo zdravstva zatražilo je aktom broj: 11-33-5592-7/24 od 04.07.2024. godine prethodnu saglasnost Federalnog ministra zdravstva za proglašenje epidemije morbila na području Zeničko-dobojskog kantona. Dana 12.07.2024. godine ovom ministarstvu je dostavljena saglasnost Federalnog ministarstva zdravstva za proglašenje epidemije Morbila na području Zeničko-dobojskog kantona broj: 03-33-3598/24 od 09.07.2024. godine.

Po zaprimanju navedenih akata, na poziv ministrice Ministarstva zdravstva održan je dana 15.07.2024. godine sastanak sa predstavnicima Instituta. Ministarstvo zdravstva je sa predstavnicima Instituta usaglasilo protivepidemijske mjere i zauzet je zajednički stav da je u narednom periodu neophodno dalje aktivno pratiti epidemiološku situaciju s aspekta Morbila i pravovremeno reagovati u smislu poduzimanja konkretnih protivepidemijskih mjera sa ciljem suzbijanja širenja navedene zarazne bolesti, pa je u tom smislu neophodno poduzeti aktivnosti u pravcu proglašenja epidemije morbila na području Zeničko-dobojskog kantona.

Shodno naprijed navedenom Ministarstvo zdravstva predlaže Vladi Zeničko-dobojskog kantona sljedeće Zaključke:

1. da Vlada Zeničko-dobojskog kantona usvoji Informaciju o trenutnoj epidemiološkoj situaciji zarazne bolesti Morbili na području Zeničko-dobojskog kantona Ministarstva zdravstva broj: 11-33-5592-10/24 od 18.07.2024. godine s prijedlogom protivepidemijskih mjera.
2. da Vlada Zeničko-dobojskog kantona obaveže Ministarstvo zdravstva da kontinuirano prati razvoj epidemiološke situacije od zarazne bolesti Morbili na području Zeničko-dobojskog kantona i da o tome redovno izvještava Vladu Zeničko-dobojskog kantona, te da na osnovu stručne procjene, prema potrebi, pristupi proglašenju epidemije zarazne bolesti Morbili na području Zeničko-dobojskog kantona.
3. da Vlada Zeničko-dobojskog kantona podrži protivepidemijske mjere predložene od strane Ministarstva zdravstva Zeničko-dobojskog kantona i JU Institut za zdravlje i sigurnost hrane Zenica, sadržane u Informaciji broj: 11-33-5592-10/24 od 18.07.2024. godine, a naročito:
 - da se, na osnovu stručnog mišljenja JU Institut za zdravlje i sigurnost hrane Zenica savjetuje izbjegavanje masovnih okupljanja djece u zatvorenim prostorijama.

- da se obavežu zdravstvene ustanove da pri prijemu djece starosne dobi od 0-14 godina vrše trijažu i kod djece sa sumnjom na kliničku sliku Morbila da postupe u skladu sa protokolom o izoliranju pacijenata od zaraznih bolesti;
 - da se obavežu domovi zdravlja da intenziviraju aktivnosti vakcinacijskih punktova i higijensko-epidemioloških službi sa ciljem povećanja stope obuhvata vakcinisanja ciljne populacije djece, bez obaveze najave i zakazivanja, svaki radni dan, te da usklade rad vakcinalnih punktova sa potrebama stanovništva;
 - da se obavežu sve zdravstvene ustanove, posebno JU Institut za zdravlje i sigurnost hrane Zenica, da provode kampanju na promovisanju obavezne imunizacije djece.
 - da se obavežu sve zdravstvene ustanove da prijave nadležnim inspekcijskim organima svaki slučaj neopravdanog odbijanja provedbe zakonske odredbe obavezne imunizacije, shodno članu 70. i članu 40. Zakona o zaštiti stanovništva od zaraznih bolesti ("Službene novine Federacije BiH", broj: 29/05);
 - da se, u cilju zaštite javnog zdravlja i povećanja stope vakcinisane djece preporuči Kantonalnoj upravi za inspekcijske poslove da efikasno i prioritetno postupi prema zaprimljenim prijavama o neopravdanom odbijanju imunizacije djece iz zdravstvenih ustanova.
 - da se preporuči menadžmentu JU Kantonalna bolnica Zenica da u skladu sa potrebama poveća materijalno-tehničke, ljudske i smještajne kapacitete Odjela za infektivne bolesti i nejasna febrilna stanja;
 - da se obavežu svi poslodavci - privredno društvo ili drugo pravno lice, odnosno fizičko lice - obrtnik da u skladu sa Zakonom o zaštiti stanovništva od zaraznih bolesti, poduzmu opće mjere za sprečavanje i suzbijanje zaraznih bolesti;
 - da se obavežu sve zdravstvene ustanove, javne i privatne, da poštuju preporuke i stručna mišljenja koja im dostavi Ministarstvo zdravstva;
 - da se obavežu sve zdravstvene ustanove, javne i privatne, da poduzmu aktivnosti na sprječavanju širenja zarazne bolesti Morbila i sedmično dostavljaju Službi za epidemiologiju i higijenu Instituta za zdravlje i sigurnost hrane Zenica, izvještaje o poduzetim aktivnostima;
4. da Vlada Zeničko-dobojskog kantona obaveže JU Institut za zdravlje i sigurnost hrane Zenica da kontinuirano prati provođenje mjera iz tačke III. ovog Zaključka te da redovno obavještava Ministarstvo zdravstva o epidemiološkoj situaciji.

Prilog:

1 x Stručno mišljenje Zavoda za javno zdravstvo FBiH o opravdanosti proglašenja epidemije morbila na području Zeničko-dobojskog kantona, akt broj: S-02-02-1-884-2/24 od 28.06.2024. godine;

1 x Saglasnost Federalnog ministarstva zdravstva za proglašenje epidemije Morbila na području Zeničko-dobojskog kantona broj: 03-33-3598/24 dana 12.07.2024. godine.

Broj: 11-33-5592-10/24
Zenica, 18.07.2024. godine

MINISTRICA

dr Aida Salčinović